



Sarajevo 04-06-2026

02-17124-1/26

Na osnovu člana 70. stav (1) Zakona o javnim nabavkama Bosne i Hercegovine („Službeni glasnik BiH” broj 39/14, 59/22, 50/24), člana 95. Statuta Javnog preduzeća Elektroprivreda BiH d.d.- Sarajevo (broj: NO-2190/21-41./2. od 25.01.2021. godine, broj: SD-20745/21-70./6. od 30.07.2021. godine) i člana 10. stav 4. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – prečišćeni tekst broj 06-8661-1/2023 od 10.03.2023. godine i Odluci o dopuni Odluke o utvrđivanju i rasporedu ovlaštenja Generalnog direktora, Sekretara Društva i direktora podružnica Društva broj U-01-12945-1/26-243/21 od 28.04.2026. godine, Izvršni direktor za proizvodnju **donosi:**

ODLUKU

o izboru najpovoljnijeg ponuđača u Otvorenom postupku javne nabavke broj 2000045682 (broj sa portala javnih nabavki: 1405-1-1-59-3-142/26) – LOT 4 - Ventili za vodonik i ostala armatura

Član 1.

Najpovoljniji ponuđač za **nabavku ventila za vodonik i ostale armature za potrebe TE „Tuzla“ (lot 4)**, izabran na osnovu provedenog otvorenog postupka broj 2000045682 pokrenutog po Obavještenju o nabavci broj 1405-1-1-59-3-142/26 objavljenog na „Portal javnih nabavki“ dana 08.04.2026. godine je:

“ENEK B&E“ d.o.o. Sarajevo

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku nabavke, te Odluku objavi na internetskoj stranici JP Elektroprivreda BiH d.d. – Sarajevo (www.elektroprivreda.ba).

Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi original ili ovjerene kopije dokumenta iz člana 45. stav 2) pod a), b), c) i d) Zakona o javnim nabavkama BiH.

Obrazloženje

U predmetnom otvorenom postupku javne nabavke, objavljenom na portalu javnih nabavki dana 08.04.2026. godine, ponude su blagovremeno dostavili sljedeći ponuđači:

1	ELBORG d.o.o. Tuzla	sa cijenom od	78.980,00 KM bez PDV-a
2	TPK-ARMATURA d.o.o. Zagreb	sa cijenom od	40.200,00 € na paritetu DDP
3	VIENN TEHNOKOMERC d.o.o. Tuzla	sa cijenom od	37.875,00 € na paritetu DAP
4	ENEK B&E d.o.o. Sarajevo	sa cijenom od	79.000,00 KM bez PDV-a
5	INELEX d.o.o. Sarajevo	sa cijenom od	78960,00 KM bez PDV-a
			79.000,00 KM bez PDV-a

Zapisnik sa otvaranja ponuda po Otvorenom postupku broj 2000045682 od 07.05.2026. godine je dostavljen učesnicima predmetnog postupka u skladu sa odredbama Zakona o javnim nabavkama BiH ("Službeni glasnik BiH", broj 39/14, 59/22, 50/24) i podzakonskim aktima.

Komisija za javne nabavke imenovana Odlukom direktora broj 02-55-2-4269-1/2026 od 27.03.2026. godine izvršila je otvaranje, pregled i evaluaciju pristiglih ponuda i utvrdila sljedeće:

U posebnoj koverti, uz kovertu za pojedinačne lotove, ponuđač "TPK Armatura" d.o.o. Zagreb dostavio je kvalifikacionu dokumentaciju, u okviru koje su priložene Izjava o ispunjenosti uslova iz člana 45. stav (1) tač. a) do d) Zakona o javnim nabavkama BiH („Službeni glasnik BiH“, broj 39/14) (Aneks 3) i Pismena izjava o ispunjenosti uslova iz člana 52. Zakona o javnim nabavkama (Aneks 4). Navedene izjave nisu dostavljene u skladu sa zahtjevima iz tačke 6.2.1, odnosno tačke 6.11 Tenderske dokumentacije, jer nisu ovjerene kod nadležnog organa u formi i na način propisan od strane Agencije za javne nabavke BiH.

Iz naprijed navedenih razloga, odbacuje se ponude ponuđača "TPK Armatura" d.o.o. Zagreb, prema odredbi člana 2. stav 1. tačka 1) 2) ZJN BiH, jer je ista neprihvatljiva.

Pregledom ponude ponuđača **ELBORG d.o.o. Tuzla** utvrđeno je:

- Za poziciju br.3 u dostavljenoj kataloškoj dokumentaciji i tehničkim listovima naveden je materijal vretena 1.4057 dok je Tehničkom specifikacijom kao zahtijevani materijal propisan materijal vretena ventila 1.4542. Također, u ponudi nije definisana klasa propuštanja, a prema Specifikaciji za robu je zahtijevana klasa propuštanja: ISO 5208 rate D;
- Za pozicije br. 8, 9 i 10 u dostavljenoj kataloškoj dokumentaciji naveden je materijal vretena 1.4408 dok je Tehničkom specifikacijom kao zahtijevani materijal propisan materijal 1.4401. S obzirom na navedeno, dostavljena dokumentacija nije u potpunosti u skladu sa zahtjevima tehničke specifikacije. Također, u ponudi nije definisana klasa propuštanja prema API 598;
- Za poziciju br. 12 u dostavljenoj kataloškoj dokumentaciji nije navedeno temperaturno područje rada proizvoda;
- Za poziciju br. 13 u dostavljenoj kataloškoj dokumentaciji nisu navedeni max. radni parametri pritiska i temperature, što je zahtijevano Tehničkom specifikacijom.

Pregledom ponude **VIENN TEHNOKOMERC d.o.o. Tuzla** utvrđeno je:

- Za poziciju br. 3 u dostavljenoj kataloškoj dokumentaciji i tehničkim listovima naveden je materijal vretena 1.4057 dok je Tehničkom specifikacijom kao zahtijevani materijal propisan materijal vretena ventila 1.4542. Također u ponudi nije definisana klasa propuštanja, a prema Specifikaciji za robu je zahtijevana klasa propuštanja: ISO 5208 rate D;
- Za pozicije br. 8, 9 i 10 u dostavljenoj kataloškoj dokumentaciji naveden je materijal vretena 1.4462 dok je Tehničkom specifikacijom kao zahtijevani materijal propisan materijal 1.4401. S obzirom na navedeno, dostavljena dokumentacija nije u potpunosti u skladu sa zahtjevima Tehničke specifikacije.

Iz naprijed navedenih razloga, odbacuju se ponude ponuđača **ELBORG d.o.o. Tuzla** i **VIENN TEHNOKOMERC d.o.o. Tuzla**, prema odredbi člana 2. stav 1. tačka 1) 3) ZJN BiH, jer su iste nepravilne.

Ostali ponuđači zadovoljavaju eliminatorne kriterije zahtijevane tenderskom dokumentacijom, te su učestvovali u daljoj fazi postupka javne nabavke i to za planirano provođenje „e-aukcije“.

Početna rang lista ponuđača koji su pozvani da učestvuju u e-aukciji („kriterij najniža cijena“)

Naziv ponuđača i sjedište	Iznos ponude	Osvojena pozicija
„ENEK B&E“ d.o.o. Sarajevo	78.960,00 KM	1.
„INELEX“ d.o.o. Sarajevo	79.000,00 KM	2.

Ugovorni organ je nakon unošenja svih prihvatljivih ponuda u sistem „e-Nabavke“ izvršio zakazivanje, to jest odredio početak i dužinu trajanja e-aukcije za dan 19.05.2026. godine u 10:00 sati sa dužinom trajanja od 10 minuta. „E-aukcija“ je uspješno okončana u 10:10 sati te je formirana nova konačna rang lista ponuđača.

Konačna rang lista ponuđača nakon provedene „e-aukcije“ prema kriteriju za vrednovanje ponuda „**najniža cijena**“ - tabelarni pregled, počev od najuspješnije ka najmanje uspješnoj je slijedeća:

Naziv ponuđača i sjedište	Iznos ponude	Osvojena pozicija
„ENEK B&E“ d.o.o. Sarajevo	78.960,00 KM	1.
„INELEX“ d.o.o. Sarajevo	79.000,00 KM	2.

Na osnovu kriterija „najniža cijena“, ponuda ponuđača „ENEK B&E“ d.o.o. Sarajevo je najpovoljnija sa ukupnom cijenom ponude u iznosu od **78.960,00 KM** bez PDV-a, te je, nakon izvršene ukupne ocjene ponuda, osvojila prvu (1) poziciju po predmetnom javnom nadmetanju.

Obzirom na prednje izneseno, donesena je odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu (JP Elektroprivreda BiH d.d. - Sarajevo, Podružnica Termoelektrana „Tuzla“, Tuzla) u roku od 10 (deset) dana od dana prijema ove Odluke.

Izvršni direktor za proizvodnju

Fahudin Tanović

CO:

- Ponuđačima

- 55

- a/a